



Dat Pönkske.

Wat schandaliert de Meister so?
Diktate gow heij weer:
On wökeke hadden in ör Hef
So rechteg en root Meer,
Dat wimmelt mär van Fäälers so,
So'n twenteg, därteg Stök,
On wenn se nit getrokken kreeg,
Denn had noch meer äs Glök.
Frets wor ok eenen van den Trop,
Denn in de School muß bliewen
Äs sej öm een heröm ging üt. —
Muß sin Diktat afschriewen.
An een Stell wor hej sech nit klor,
Wat dor verkiert dann wor;
Ging mät sin Hef dröm nor et Pult
On frug denn Leerer dor:
„Was hab' ich hier denn falsch gemacht?“
De Leerer keek öm an:
„Da fehlt der Punkt!“ „Der steht doch da!“
„Ich keinen sehen kann!“
On Frets ging op sin Plats weer trük
On noom sech stellkes vör:
„En anderkier kaß doj öm sien,
Jo, dor kalvier 'k dech vör!“
On ander Wäk had heij en Kork
Van sonne kleine Fläsch,
Wor Moders Medizin drin wor,
In sinne Boksentäsch.
On äs sej schreewen weer Diktat,
Daut heij mät dessen Stop,
Wenn so en Pönkske fälleg wor,
En groot rond Kleksken drob!
Dat sog nau gants gediegen üt.
De Meister kreeg de Wut:
„Was soll denn das Geschmiersel da?
Dich plagt der Übermut!“
On Fretsken seij: „Das vor'ge Mal
Da war mein Punkt zu dünn,
Da dacht ich: Maak öm dikker nau,
Dat heij öm gut kann sien!“

Heinrich Nesbach